

Adrodd i	Awdurdod Tân ac Achub Gogledd Cymru
Dyddiad	16 Ionawr 2023
Swyddog Arweiniol	Helen MacArthur Prif Swyddog Tân Cynorthwyol (Cyllid ac Adnoddau)
Swyddog Cyswllt	Helen Howard
Pwnc	Alldro Dros Dro 2022/23



PWRPAS YR ADRODDIAD

- 1 Rhoi diweddariad i'r aelodau ar y sefyllfa gwariant cyfalaf a referniw ar gyfer 2022/23, fel yr oedd ar 30 Tachwedd 2022.

CRYNODEB GWEITHREDOL

- 2 Cymeradwywyd y gofyniad cyllideb net gan yr Awdurdod Tân ac Achub (yr Awdurdod) yn ei gyfarfod ar 20 Rhagfyr 2021. Cadarnhaodd hyn ofyniad net o £39.41m i'w ariannu gan yr awdurdodau lleol cyfansoddol. Rhagwelir y bydd gwariant gwirioneddol yn £42.42m sy'n cynnwys prosiectau a ohiriwyd yn ystod pandemig Covid, amcangyfrifon o setliadau cyflog cenedlaethol uwchlaw'r ddarpariaeth gyllidebol o 2% a phwysau cyffredinol oherwydd chwyddiant. Bydd y defnydd o arian wrth gefn a glustnodwyd, y gronfa gyffredinol a darpariaethau yn lliniaru'r costau ychwanegol ac ni ragwelir y bydd angen ardoll atodol.
- 3 Cymeradwyodd yr Awdurdod gyllideb cyfalaf 2022/23 o £2.91m ar 20 Rhagfyr 2021. Mae'r rhaglen gyfalaf yn wynebu pwysau o ran costau, ac os caiff yr holl waith disgwylidig ei gwblhau, bydd gorwariant o £0.120m.

ARGYMHELLION

- 4 Gofynnir i aelodau:
 - (I) nodi'r rhagamcanion alldro cyfalaf a referniw drafft ar gyfer blwyddyn ariannol 2022/23 fel y nodir yn yr adroddiad;
 - (II) nodi'r risgiau sy'n gysylltiedig â chwyddiant a materion cadwyn gyflenwi;
 - (III) nodi'r risgiau sy'n gysylltiedig â'r trafodaethau cyflog parhaus; a
 - (IV) cymeradwyo'r defnydd o gronfeydd wrth gefn a glustnodwyd a rhai cyffredinol.

SYLWADAU GAN Y PANEL GWEITHREDOL/PWYLLGOR ARCHWILIO

- 5 Nid yw'r adroddiad hwn wedi'i ystyried o'r blaen gan yr aelodau.

CEFNDIR

- 6 Mae'r adroddiad hwn yn rhoi gwybodaeth am y sefyllfa alldro gwariant cyfalaf a refeniw drafft ar gyfer blwyddyn ariannol 2022/23.

GWYBODAETH

CYLLIDEB REFENIW

- 7 Cafodd y gyllideb net o £39.412m ei chymeradwyo ar gyfer 2022/23 yng nghyfarfod yr Awdurdod ar 20 Rhagfyr 2021. Yn dilyn gwaith cynllunio pellach, cadarnhawyd y gofyniad cyllideb net cyffredinol yng nghyfarfod yr Awdurdod ar 20 Mehefin 2022, a'r adeg hynny nodwyd hefyd y byddai gwariant a ohiriwyd o 2021/22 yn cael ei dalu o'r cronfeydd wrth gefn a glustnodwyd. Yn ogystal, nodwyd y risg benodol sy'n gysylltiedig â dyfarniadau cyflog gan fod y dyfarniadau cyflog cenedlaethol yn weddill.
- 8 Mae costau staff yn cynrychioli 76% o'r gwariant gros. Pennir y gyllideb ar y sefydliad staffio sydd wedi'i gymeradwyo a'r gweithgarwch a ragwelir.
- 9 Roedd y broses o bennu'r gyllideb yn cynnwys rhagdybiaeth y byddai dyfarniadau cyflog yn 2% i'r holl staff. Cwblhawyd a chytunwyd ar y cynnig cyflog i staff llywodraeth leol yn cynnwys codiad o £1,925 ar draws pob gradd. Mae hyn yn cyfateb i tua 6.6% o'i gymharu â'r rhagdybiaeth cynllunio o 2%.
- 10 Mae dyfarniad cyflog o 5% wedi'i gynnig ar gyfer rolau diffoddwyr tân a diffoddwyr tân ystafell reoli. Mae hyn wedi cael ei wrthod gan Aelodau Undeb y Frigâd Dân ac mae pleidlais staff ar hyn o bryd ar gyfer streic. Daw'r bleidlais i ben ar 30 Ionawr 2023.
- 11 Mae'r rhagolygon nad ydynt yn ymwneud â chyflogau yn adlewyrchu'r pwysau anochel hysbys o ran costau a gaiff ei brofi mewn perthynas â chostau cyfleustodau, cynnal a chadw adeiladau a chostau tanwydd. Fodd bynnag, erys ansicrwydd pellach oherwydd pwysau chwyddiant cyffredinol a materion yn ymwneud â'r gadwyn gyflenwi sy'n arwain at wariant uwchlaw'r gyllideb a ragwelwyd.
- 12 Er bod y rhan fwyaf o'r gwariant yn cael ei ariannu o'r ardoll awdurdodau cyfansoddol, derbynnir incwm gan Lywodraeth Cymru ar gyfer gweithgareddau sy'n cael eu hariannu gan grant, yn ogystal ag ad-daliadau gan gyrff eraill mewn perthynas â'r defnydd o'n hadeiladau.
- 13 Mae costau cyllido cyfalaf yn cynnwys costau benthyca a chostau refeniw ar gyfer defnyddio asedau cyfalaf. Pan osodwyd y gyllideb, ni ragwelwyd y cynnydd sylweddol yng nghyfraddau sylfaenol Banc Lloegr yn ystod 2022/23. Mae'r cynnydd dilynol wedi arwain at effaith andwyol ar y sefyllfa ac mae hyn wedi'i gynnwys yn y rhagolwg.

ALLDRO REFENIW

- 14 Mae'r adroddiad yn rhagamcanu sefyllfa gytbwys gyffredinol ond o ystyried y pwysau chwyddiant bu'n rhaid cynnwys trosglwyddiadau o'r cronfeydd wrth gefn a glustnodwyd. Manylir ar y dadansoddiad isod.

	Cyllideb (£000)	Rhagolwg (£000)	Amrywiant (£000)	Amrywiant (%)
Gweithwyr	30,130	31,167	1,037	3.44%
Tir ac adeiladau	2,901	4,084	1,183	40.78%
Cludiant	1,204	1,263	59	4.90%
Cyflenwadau	4,919	5,420	501	10.18%
Taliadau Trydydd Parti	451	451	-	0.00%
Cyllid Cyfalaf a Thaliadau	2,263	2,513	250	11.05%
Incwm	-2,456	-2,482	-26	1.06%
Rhagolwg Alldro	39,412	42,416	3,004	7.62%
Trosglwyddo o'r Cronfeydd Wrth Gefn a Glustnodwyd		-1,959	-1,959	
Trosglwyddo o Ddarpariaethau		-345	-345	
Trosglwyddo o'r Gronfa Gyffredinol		-700	-700	
Defnydd o gronfeydd wrth gefn		-3,004	-3,004	
Sefyllfa Rhagolwg	39,412	39,412	-	

COSTAU GWEITHWYR

- 15 Mae costau gweithwyr yn rhan sylweddol o'r gyllideb (76%) ac yn cynnwys tâl, costau pensiwn, cost recriwtio a hyfforddi a gwasanaethau gweithwyr, megis gwasanaethau iechyd galwedigaethol.
- 16 Rhoddwyd strwythur staffio newydd ar waith ym mis Ebrill 2022. Mae cynnydd sylweddol wedi'i wneud o ran recriwtio i swyddi gwag, ond o fewn y farchnad swyddi mae'n profi'n heriol i recriwtio i swyddi arbenigol. Fodd bynnag, mae'r swyddi hyn yn parhau i fod yn hollbwysig i gyflawni'r amcanion corfforaethol.
- 17 Mae ymarfer recriwtio llawn amser diweddar wedi arwain at benodi 24 o recriwtiaid newydd; dechreuodd 12 ym mis Medi a 12 ym mis Ionawr. Bydd y swyddi newydd hyn yn ymateb i ymddeoliadau hysbys a disgwylidig er, oherwydd y cyfnod gofynnol o hyfforddiant, bu'n rhaid mynd y tu hwnt i'r lefelau sefydliad arferol i sicrhau parhad gwasanaeth. Mae gweithredu'n parhau i gynyddu nifer y diffoddwyr tân rhan amser ac mae'n faes pwysig i ganolbwyntio arno er mwyn mynd i'r afael â materion argaeledd a'u cynnal.

- 18 Disgwylir i'r costau goramser sy'n gysylltiedig â chynnal argaeledd gwasanaeth ac ar gyfer salwch fod yn £0.900m ar ddiwedd y flwyddyn.
- 19 Cafwyd gwariant o £0.301m mewn perthynas â dyfarniadau tâl gwyliau ôl-ddyddiedig. Roedd hyn yn angenrheidiol yn dilyn achos cyfreithiol cenedlaethol mewn perthynas â'r elfennau tâl y dylid eu cynnwys yn y cyfrifiad tâl gwyliau. Arweiniodd newidiadau i gyfraniadau pensiwn prentisiaid yn dilyn trosglwyddo o'r Cynllun Pensiwn Llywodraeth Leol (CPLIL) i'r cynllun diffoddwyr tân at gyfraniadau cyflogwr ychwanegol o £0.044m. Caiff y costau hyn eu hariannu drwy'r darpariaethau a sefydlwyd yn 2021/22.
- 20 Mae'r gorwariant a ragwelir mewn costau staffio yn dod i £1.037m ac mae'n cynnwys y canlynol:
- costau disgwyliedig dyfarniadau cyflog yn ystod y flwyddyn;
 - goramser ychwanegol ar gyfer salwch a chynnal argaeledd;
 - tâl gwyliau ôl-ddyddiedig;
 - recriwtio ychwanegol i ddiffoddwyr tân amser cyflawn;
 - swyddi dros dro i gyflawni prosiectau penodol; llai
 - gostyngiadau yn deillio o swyddi gwag presennol.
- 21 Mae cost disgwyliedig y dyfarniad cyflog yn ystod y flwyddyn ar gyfer staff Diffoddwyr Tân Ystafell Reoli a Diffoddwyr Tân yn parhau i fod yn ansicr ar hyn o bryd er bod unrhyw godiad cyflog dros 2% yn risg ariannol. Nodwyd hyn yn ystod y broses o osod y gyllideb a chynigir y dylid defnyddio'r arian wrth gefn ar gyfer 2022/23 ar gyfer dyfarniadau cyflog y cytunwyd arnynt yn genedlaethol. Amcangyfrifir bod hyn yn £0.700m ar hyn o bryd, gan gynnwys staff CPLIL.

COSTAU HEB FOD YN GYFLOG

- 22 Mae'r gyllideb heb fod yn gyflog yn wynebu pwysau sylweddol. Mae'r rhain oherwydd materion pris a chyflenwad. Yn ogystal, mae argaeledd a chostau nwyddau eraill megis cyflenwadau adeiladu, offer TGCh a rhannau fflyd hefyd yn peri pryder o ystyried cymhlethdod cadwyni cyflenwi ac ansicrwydd byd-eang. yn cynnwys costau tanwydd ac ynni sy'n parhau i fod yn anrhagweladwy.
- 23 Cynhelir adolygiad o wariant nad yw'n ymwneud â chyflogau gan ddeiliaid cyllidebau i sicrhau bod y rhagamcanion yn parhau i fod yn rhesymol.

Tir ac Adeiladau

- 24 Mae costau adeiladau yn rhagamcanu gorwariant o £1.183m, sy'n cynnwys y costau rhagarweiniol y cytunwyd arnynt yn y cyfarfod diwethaf, mewn perthynas â datblygu'r achos busnes ar gyfer canolfan hyfforddi newydd (£0.25m).

- 25 Mae ansefydlogrwydd y farchnad a chostau cynyddol nwy a thrydan yn her ariannol fawr i'r Awdurdod. Y gorwariant rhagamcanol presennol ar gyfer cyfleustodau yw £ 0.15m. Mae Llywodraeth y DU wedi cyhoeddi cefnogaeth i fusnesau gan gynnwys cyrff sector cyhoeddus tan 31 Mawrth 2023. Mae costau ynni yn cael eu monitro fel rhan o'r cytundeb lefel gwasanaeth gyda Heddlu Gogledd Cymru.
- 26 Mae'r rhagamcan hefyd yn cynnwys cost y gwaith a gafodd ei ohirio yn 2021/22. Mae cyllid ar gael ar gyfer y gwaith hwn o'r cronfeydd wrth gefn a glustnodwyd.

Cludiant

- 27 Mae'r gyllideb cludiant yn rhagweld amrywiad o £0.059m. Mae costau cynyddol mewn perthynas â rhannau cerbydau a thanwydd yn achosi pwysau ar y gyllideb hon, sydd ar hyn o bryd yn cael ei rheoli'n fewnol yn bennaf.

Cyflenwadau

- 28 Y gyllideb cyflenwadau net yw £4.919m a'r gorwariant a ragwelir ar hyn o bryd o £0.501m, sy'n cynnwys mentrau yn ystod y flwyddyn a fydd yn cael eu hariannu o gronfeydd wrth gefn a glustnodwyd.
- 29 Mae pwysau chwyddiant sylweddol mewn nifer o feysydd busnes-gritigol ac mae camau'n cael eu cymryd i'w cyfyngu a'u lliniaru, lle bo modd.
- 30 Mae'r sefyllfa alldro a ragwelir yn cynnwys costau ar gyfer meddalwedd Diogelwch Tân newydd, newid offer gweithredol hanfodol a gwaith prosiect mewn perthynas â'r adolygiadau amrywiol sy'n cael eu cynnal ar hyn o bryd ledled y Gwasanaeth. Cynlluniwyd y rhain yn dilyn cau blwyddyn ariannol 2021/22 a byddant yn cael eu hariannu o gronfeydd wrth gefn a glustnodwyd.

Taliadau Trydydd Parti

- 31 Mae taliadau trydydd parti yn ymwneud â chytundebau lefel gwasanaeth gyda phartneriaid, gan gynnwys Cyngor Bwrdeistref Sirol Conwy, Cyngor Sir y Fflint a Heddlu Gogledd Cymru.
- 32 Mae'r gwariant hwn yn cael ei ragamcanu o fewn y gyllideb ar hyn o bryd.

CYLLID CYFALAF

- 33 Mae'r gyllideb ariannu cyfalaf yn neilltuo cyllid refeniw i ariannu gwariant cyfalaf.
- 34 Mae'r Ddarpariaeth Isafswm Refeniw (MRP) yn cynrychioli'r isafswm y mae'n rhaid ei godi ar gyfrif refeniw awdurdod bob blwyddyn ar gyfer ariannu gwariant cyfalaf, a fydd wedi'i ariannu i ddechrau trwy fenthycia. Mae'n rhan o holl arferion cyfrifyddu'r Awdurdod, a'i nod yw sicrhau y gall yr Awdurdod dalu'r dyledion sydd ganddo o brynu asedau cyfalaf, megis adeiladau a cherbydau.
- 35 Mae'r rheoliadau yn ei gwneud yn ofynnol i'r Awdurdod bennu swm o MRP bob blwyddyn ariannol, y mae'n ei ystyried yn ddarbodus drwy gyfeirio at ofyniad cyllido cyfalaf wedi'i gyfrifo (CFR). Yr MRP ar gyfer 2022/23 yw £1.94m.
- 36 Yn ogystal, mae'r gyllideb yn dal y costau llog mewn perthynas â benthyciadau'r Awdurdod. Oherwydd y sefyllfa economaidd gyfnewidiol, mae cost benthycia wedi cynyddu'n sylweddol bellach, sydd wedi arwain at bwysau cyllidebol presennol o £0.25m.
- 37 Mae'r sefyllfa hon yn cael ei monitro'n ofalus ond mae risg o gynnydd pellach gan fod angen benthyciadau newydd yn chwarter olaf y flwyddyn i gymryd lle benthyciadau sy'n aeddfedu ac i ariannu gwariant cyfalaf.
- 38 Ar hyn o bryd, mae £0.30m wrth gefn i wrthbwysu costau llog uwch.

INCWM

- 39 Yn ogystal â'r ardoll awdurdodau cyfansoddol, mae'r gyllideb hefyd yn cynnwys incwm disgwylidig ar gyfer ffioedd a thaliadau a grantiau.
- 40 Mae ffioedd a thaliadau yn ymwneud yn bennaf ag ailgodi tâl am adeiladau a rennir â chyrrff eraill.

	Cyllideb £000	Rhagamcan £000	Amrywiant £000
Grantiau	2,299	2,299	0
Ffioedd a thaliadau	277	303	26
Cyfanswm	2,455	2,466	26

- 41 Cynyddodd incwm arall oherwydd yr elw o waredu cerbyd (£10k) ac incwm buddsoddi dros dro (£16k).

Cyllid Grant

- 42 Cyfanswm y dyraniadau cyllid grant 2022/23 yw £2.299m (2021/22: £2.397m). Ceir dadansoddiad o'r cyllid grant ar gyfer 2022/23 isod. Mae'r holl grantiau'n cael eu monitro'n ofalus trwy gydol y flwyddyn ariannol i nodi unrhyw amrywiadau ac i alluogi cymryd camau adferol.

	Dyraniad £000
Lleihau Llosgi Bwriadol	157
Offer Diogelwch Cartref	223
Ymgysylltu â Phobl Ifanc	148
Cydnherthedd Cenedlaethol Cymru Gyfan	154
Cyfraniadau Pensiwn Diffoddwyr Tân	1,081
Ffioedd Gwasanaeth Firelink	416
Mannau Gwefru Cerbydau Trydan	120
Cyfanswm Cyllid Grant	2,299

RHAGLEN GYFALAF

- 43 Cymeradwyodd yr Awdurdod raglen gyfalaf o £2.916m ym mis Rhagfyr 2021. Yn ogystal, bydd £0.167m o wariant yn cael ei ariannu o'r cronfeydd wrth gefn oherwydd llithriad mewn cynllun a gymeradwywyd yn flaenorol.
- 44 Mae'r rhagamcan yn rhagdybio mai dim ond 3 thŵr hyfforddi fydd yn dechrau eleni, yn lle'r 4 y cyllidebwyd ar eu cyfer.
- 45 Yn ogystal, mae angen £0.02m ychwanegol i gael fan newydd yn lle un sydd â difrod damwain na ellir ei drwsio.
- 46 Mae arian grant yn ymwneud â gwell cyfleusterau hyfforddi yn Nolgellau a'r Rhyl. Fe'i derbyniwyd yn 2021/22 ond eleni ddechreuodd y gwaith. Mae angen rhagor o waith, y disgwylir iddo ar hyn o bryd gostio £0.096m ychwanegol.
- 47 Fel sy'n wir am y gyllideb refeniw, mae'r rhaglen gyfalaf yn wynebu pwysau o ran costau, gyda chostau uwch mewn perthynas â phrynu cerbydau a gwaith adeiladu. Mae hyn wedi arwain at fod angen £0.024m ychwanegol.
- 48 Mae manylion y cynlluniau isod:

Cynllun	Cyllideb £000	Rhagolwg £000	Amrywiant £000
Amnewid Peiriannau Tân	1,248	1,248	-
Faniau Gorsaf Aml-Bwrpas	160	170	10
Offer Gweithdy	20	12	-8
Fan Newydd	-	20	20
Amnewid Tŵr Hyfforddi	160	85	-75
Adeiladau – Mân Waith	245	260	15
Cyfanswm 2022/23	1,833	1,795	-38
Treigl – Peiriannau Tân	923	923	-
Treigl – Tyrau Hyfforddi	160	222	62
Cyfanswm treigl o 2021/22	1,083	1,145	62
TGCh – Gweinydd	167	167	-
Cyfanswm a Ariennir o'r Cronfeydd Wrth Gefn	167	167	-
Offer Gweithredol	92	92	0
Gwaith Adeiladu	146	242	96
Cyfanswm a Ariennir o Grant	238	334	96
Cyfanswm: Rhaglen Gyfalaf	3,321	3,441	120

49 Mae cyllid y cynllun cyfalaf fel a ganlyn:

Ariannu	Swm £000
Benthyg	2,916
Cyllid Grant	238
Cronfeydd Wrth Gefn a Glustnodwyd	167
Cyfanswm	3,321

BENTHYG

- 50 Ariennir gwariant cyfalaf yn bennaf trwy fenthyca allanol yn y tymor byr; mae'r Awdurdod yn defnyddio arian refeniw dros ben, a elwir yn fenthyca mewnol.
- 51 Mae'r Awdurdod yn parhau i ddefnyddio benthyca mewnol. Mae hyn yn golygu nad yw'r benthyca cyfalaf sydd ei angen, fel y'i cyfrifwyd gan y Gofyniad Ariannu Cyfalaf (CFR), wedi'i ariannu'n llawn gyda dyled benthyciad allanol gan fod arian sy'n cefnogi cronfeydd wrth gefn, balansau a llif arian yr Awdurdod wedi'i ddefnyddio fel ateb dros dro i ariannu gwariant cyfalaf a chynhyrchu arbedion refeniw. Fodd bynnag, wrth i'r arian wrth gefn gael ei ddefnyddio, bydd angen disodli'r benthyca mewnol gyda benthyca allanol.

- 52 Rhagwelir y bydd benthyciadau'r Awdurdod yn £22.26m ar 31 Mawrth 2023. Mae hyn yn cynnwys £6.0m o fenthyciadau tymor byr dros dro, gan gyrrff sector cyhoeddus eraill a £16.26m o fenthyciadau gan y Bwrdd Benthyciadau Gwaith Cyhoeddus. Mae hyn yn dibynnu ar argaeledd cyllid mewnol ac mae'n parhau i fod yn faes risg i'r Awdurdod.

DEFNYDD O GRONFEYDD WRTH GEFN WEDI'U CLUSTNODI

- 53 Nod cronfeydd ariannol wrth gefn yr awdurdod yw darparu cyllid ar gyfer buddsoddi mewn gweithgareddau yn y dyfodol a gweithredu fel rhwyd ddiogelwch rhag ofn y bydd heriau ariannol tymor byr yn deillio o alwadau gweithgaredd neu bwysau na ellir eu rhagweld.
- 54 Ar hyn o bryd mae'r Awdurdod wedi clustnodi £5.57m wrth gefn sydd wedi ei gronni yn y blynyddoedd diwethaf oherwydd llithriad mewn recriwtio a gweithgareddau yn sgil pandemig covid.
- 55 Yn 2021/22 neilltuwyd cronfeydd wrth gefn wedi'u clustnodi i ariannu costau a ddylai fod wedi'u hysgwyddo yn 2021/22, ond roedd problemau'n ymwneud â'r gadwyn gyflenwi yn golygu na ellid cwblhau'r rhain a bu oedi. Yn ogystal, mae cronfeydd wrth gefn wedi'u sefydlu i ariannu codiadau mewn cyfraddau llog, cynnydd mewn chwyddiant, gwelliannau i'r system a gwelliannau i wasanaethau.
- 56 Mae'r alldro dros dro yn rhagdybio y bydd cronfeydd wrth gefn o £2.0m yn cael eu defnyddio yn ystod y flwyddyn. Adolygir y defnydd o gronfeydd wrth gefn fel rhan o'r broses o fonitro'r gyllideb.

GOBLYGIADAU

Amcanion Llesiant	Mae'r adroddiad hwn yn cysylltu ag amcanion llesiant hirdymor ATAGC. Mae cyllid ar gyfer y Gwasanaeth o fudd i gymunedau Gogledd Cymru ac yn sicrhau bod buddsoddiad digonol yn yr isadeiledd i alluogi'r gwasanaeth i ddarparu ymatebion brys a gwaith atal ymhell i'r dyfodol.
Cyllideb	Mae'r gyllideb yn cael ei gosod yn flynyddol yn unol â'r ddarpariaeth gwasanaeth arfaethedig sy'n cynnwys gwaith atal ac ymateb brys.
Cyfreithiol	Mae'n ofyniad cyfreithiol bod yr Awdurdod yn cynhyrchu'r Datganiad Cyfrifon yn unol â'r safonau penodedig.
Staffio	Mae rheolaeth ariannol effeithiol yn cefnogi strategaeth hirdymor y gweithlu i sicrhau bod yr Awdurdod yn gallu cyflawni ei gyfrifoldebau.
Cydraddoldeb / Hawliau Dynol / Y Gymraeg	Dim
Risgiau	Mae incwm a gwariant yn cael eu monitro'n fanwl i sicrhau bod gwyriadau o'r gyllideb gymeradwy yn cael eu nodi'n briodol a'u hadrodd i'r Aelodau.